



REGIONE AUTONOMA FRIULI VENEZIA GIULIA

azienda per l'assistenza sanitaria

3 Alto Friuli, Collinare, Medio Friuli

GLEMONÀS, CJANÂL DAL FIER, VAL CJANÂL

DISTRET 2

Cjarte dai Servizis



DISTRET N.2

"GLEMONÀS, VAL CJANÂL, CJANÂL DAL FIER"

CUI CHE O SIN

Il distret al è la articolazion organizative che cun cheste la Aziende e assicure une rispueste coordenade e continuative ai bisugns sanitaris dai citadins residents tai comuns relatîfs. Il distret al è il centri di riferiment dai citadins par ducj i servizis de Aziende, sede di integrazion dai servizis sanitaris cun chei socio-assistenzîai dal teritori e al opere in maniere coordenade cun structuris privadis e di volontariât che a ufrissin servizis sanitaris e socio-assistenzîai. Par erogâ la ativitât aes diversis tipologjiis di utence, il distret al è articolât in dôs areis di ativitât distintis. La prime e je la aree des curis primariis che si ocupe de salût des personis adultis e anzianis par mieç di intervents di promozion de salût, diagnosi, cure, assistance e riabilitazion. La seconde e je la aree minôrs famee disabilitât che e je destinade ae tutele de salût fisiche, psichiche e sociâl de femine, de cubie, de famee, dai minôrs e dai adollessents. Cheste aree si ocupe ancje dai minôrs e zovins adults cun disabilitâts fisichis e psichichis.

CE CHE O FASÌN

Il distret al è la puarte di acès dal citadin al servizi sanitari par dut ce che al pues jessi fat in sede, a cjase, tai lûcs di vite e al rispuint ai bisugns complessîfs de persone; al lavore in strete integrazion cui Servizis sociâi, cui miedis di medisine gjenerâl e i pediatri di libare sielte e cun chescj al progjete e al fâs, insiemi aes fameis e aes altris risorsis presintis tal teritori, i intervents necessariis aes personis.

Il Distret n.2 (dal Glemonàs, Val Cjanâl e Cjanâl dal Fier) al cjape dentri i comuns di: Dartigne, Bordan, Scluse, Dogne, Glemone, Malborghet, Mueç, Montenârs, Pontêbe, Resie, Resiute, Tarvis, Trasaghis, Vençon.

Diretôr dal distret

Laura Regattin

telefon: 0432 989391 **email:** laura.regattin@as3.sanita.fvg.it

Tal Distret si ricognossin chestis areis di ativitât.

1. Aree Aministrative

- assistance protesiche e riabilitative
- assistance integrative regionâl
- anagrafe sanitarie

2. Curis primariis

- Pont Unic di Acès (PUA)
- servizi infermieristic teritoriâl
- servizi di riabilitazion domiciliâr
- assistance farmaceutiche distretuâl
- Degjencis Intermediis Polifuzionâls (DIP)

- Specialistiche ambulatoriâl;
- Medisine di base e continuitât assistenziâl (miedis di medisine gjenerâl, pediatri di libare sielte, servizi di continuitât assistenziâl)
- Centri di Assistance Primarie (CAP) di Tarvis

3. Aree materne infantîl e de disabilitât

- Equipe multidisciplinâr territoriâl
- Consultori familiâr
- Servizi adozions

4. Presidi ospedalîr pe salût

AREE AMINISTRATIVE

La Aree amministrative e je responsabile de organizazion amministrative, tecniche e logjistiche dal distret.

Cosetta Zolli (Referent amministratîf)

telefon: 0432 989337 **email:** cosetta.zolli@as3.sanita.fvg.it

In cheste strutture a son chescj servizis:

Anagrafe sanitarie

La Anagrafe Sanitarie e je indreçade ai citadins residents e ai no residents (talians e stranîrs). E garantîs la iscrizion al servizi sanitari nazionâl e la emission de tessare sanitarie, la sielte dal miedi di medisine gjenerâl e dal pediatri di libare sielte, la ativazion de Cjarte Regjonâl dai Servizis, la assistance sanitarie tal forest, lis esenzions dal ticket (par patologjie, invaliditât, malatiis raris) e la assistance internazionâl.

SEDIS

Distret di Glemone

Place Rodolone, 2

Di lunis a vinars des 08:30 aes 12:00

Joibe des 14:00 aes 16:00

telefon: 0432 989351 **email:** dist.gem@as3.sanita.fvg.it

Poliambulatori di Tarvis

Vie Vittorio Veneto, 74

Lunis, martars, joibe e vinars des 08:30 aes 12:15

Martars des 13:30 aes 16:30

telefon: 0428 2931 **email:** dist.gem@as3.sanita.fvg.it

Poliambulatori di Pontêbe

Place dal Popul, 6

Miercus: des 9:30 aes 11:00

telefon: 0428 90576 **email:** dist.gem@as3.sanita.fvg.it

Poliambulatori di Mueç

Vie Ermolli, 28

Miercus: des 11:45 aes 13:00

telefon: 0433 51341 **email:** dist.gem@aas3.sanita.fvg.it

Assistence protesiche riabilitative

La ativitât di **Assistence Protesiche** te emission des autorizacions pe furnidure aes protesicis e/o ortesis personalizadis (es. articui artificiâi, protesicis acustichis, mamariis, buscj, scarpis ortopedichis e v.i.), e ancje ai trataments riabilitatîfs e ae assistance termâl intai centris convenzionâts.

SEDE

Distret di Glemone

Place Rodolone, 2

Martars des 13:30 aes 15:00

Miercus e joibe des 10:00 aes 12:00

telefon: 0432 989351 **email:** dist.gem@aas3.sanita.fvg.it

Assistence farmaceutiche integrative regjonâl (A.F.I.R.)

La ativitât di Assistance farmaceutiche integrative regjonâl (A.F.I.R.) e consist te furnidure direte o par mieç de farmacie ospedaliere furniduris di presidis sanitaris, integradôrs alimentârs, farmacs e presidis destinâts ae nutrizion enterâl domiciliâr.

CURIS PRIMARIIS

La aree Curis Primariis e je une articolazion organizative dal distret che si ocupe de salût des personis adultis e anzianis cun intervencions di promozion de salût, diagnosi, cure, assistance e riabilitazion. Pal davuelziment des sôs funzions la struture e je articolade in Residence sanitarie assistenziâl (RSA), Ospedâl di comunitât (dome a Codroip), Assistance Infermieristiche teritoriâl, Poliambulatori specialistic, Riabilitazion teritoriâl e furnidure di presidis e ausilis.

La struture e je ancje destinade a tignî i rapuarts cui Miedis di Medisine Gjenerâl (MMG) e i Pediatris di Libere Sielte (PLS) coordinant l'operât cul fin di assicurâ la integrazion tra servizis teritoriâi e ospedalîrs, soredut pai pazients cun patologjiis cronichis, e a garantî il servizi di continuitât assistenziâl tai oraris noturnis, festîfs e prefestîfs, midiant lis sedis de vuardie mediche.

Al jentre tal ambit des Curis Primariis il coordinament de ativitât fate dai specialiscj convenzionâts, il control dal operât des Cjasis di Ripôs dal teritori, il svilup dai rapuarts cu la rêt dai servizis socio-sanitaris assistenziâi dal teritori e cui sogjets dal tierç setôr par garantî i percors di inclusion sociâl, e ancje la emission a chei che a àn dirit des autorizacions pe furnidure a gratis di ausilis e protesicis, e ancje pai trataments riabilitatîfs e la assistance termâl intai centris convenzionâts. La aree e je leade in maniere strete cu la aree amministrative dal Distret intun continuum di ativitâts par dâ rispuestis apropiadis e velocis ai citadins.

Responsabil

Laura Regattin (Diretôr di Distret)

telefon: 0432 989391 **email:** laura.regattin@aas3.sanita.fvg.it

Pont unic di acès (PUA)

Il Pont Unic di Acès (PUA) al è il pont là che rivin lis segnalazions di “bisugn socio-sanitari” de bande dai citadins, dai Miedis di medisine gjenerâl e dai servizis (ospedâl, servizis sociâi, servizis teritoriâi) e il pont là che si ativin i servizis dopo di une fase di valutazion e planificazion. Lis segnalazions al PUA a puedin rivâ dai miedis di famee, dai familiârs dai utents, dai servizis sociâi, dai servizis teritoriâi e dai ospedâi.

Il Pont Unic di Acès al è ancje il pont là che lis personis a puedin ricevi informazions su la rêta dai servizis, su lis modalitâts di acès e sui percors di cjapade in caric. Intal PUA al lavore un team di infermîrs che in maniere multiprofessionâl al analize i bisugns dal utent e dai familiârs, al condivîl il percors assistenziâl plui adat, integrantsi, dulà che al è necessari, cul Servizi Sociâl dai Comuns e/o altris Servizi Teritoriâi, al ative i servizis previodûts dal plan e al acompagne dut il percors de persone garantint la rappresentativitât di dutis lis figuris professionâls necessariis.

ORARIS

Lunis, martars, miercus e vinars 08:00 – 16:00

Joibe 10:00 – 18:00

CONTATS

telefon: 0432 989279 **email:** pudage@aac3.sanita.fvg.it

Degjencis Intermediis Polifunzionâl

La structure **Degjencis intermediis polifunzionâl** e je une structure a valence intermedie, logade tra l'ospedâl e il domicili, e furnîs acet, tutele e prestazions sanitariis e riabilitativis a utents adults e anzians, no autosuficients in maniere temporanie e/o stabile, e je ancje il lûc di formazion e adestrament pai “care giver”. La ativitât e je fate di un team multi professionâl formât di miedis, infermîrs, operadôrs socio-sanitaris e fisioterapiscj che, su la fonde dai bisugns e des carateristicis dal singul utent, a formulin e a atuin un plan assistenziâl personalizât. La utence e je fate di assistûts che, completât il percors ospedalîr, a àn bisugn di altris interventiis sanitariis e/o riabilitatîfs no erogabii a domicili (es. ortopedics o neurologjics); assistûts cun patologjiis complessis che a àn bisugn di interventiis sanitariis e/o riabilitatîfs no erogabii a domicili e che il ricovar ospedalîr nol è indicât (es. pazients terminâi); assistûts cun prevalents problemis sociâi che a àn bisugn di funzions “solêf” pai familiârs e/o utents inserîts intun contest socio-ambientâl comprometût in maniere temporanie e/o in spiete di un altri servizi par problemis socio-sanitaris; assistûts in cundizions di no autosuficiencia e cence chel supuart familiâr che al consint di erogâ a domicili i interventiis sanitariis necessariis ae prevenzion dal peiorament dal dam, cause de no autosuficiencia, e ancje al recupar e al mantigniment des abilitâts restadis.

DULÀ

la sede e je al secont plan dal Presidi Ospedalîr pe Salût di Glemone

Responsabil clinic: Olvino Morgante,

telefon: 0432 989201 **email:** olvino.morgante@aac3.sanita.fvg.it

Infermiere Referente: Claudia Baldassi
presinte di lunis a vinars des 9 aes 16
telefon: 0432 989239

Specialistica ambulatoriale

La assistance specialistiche e cjape dentri lis visitis, lis prestazions specialistichis, di diagnostiche strumentâl e di laboratori previodudis de normative in vore. La ativitât e ven fate in regjim ambulatoriâl li des sedis distretuâls e intal Presidi Ospedaîr pe Salût di Glemone.

La ufierte ambulatoriâl tal Presidi Ospedaîr pe Salût di Glemone e je cheste:

- Anestesia e Terapie dal dolôr
- Cardiologjie
- Chirurgjie gjenerâl
- Dermatologjie
- Diabetologjie
- Diagnostiche vascolâr
- Dietist
- Endoscopie
- Medicine dal Sport
- Oculistiche
- Odontoiatrie
- Ortopedie
- Ostetricie/Gjinecologjie
- Otorinolaringoiatrie
- Pont Prelêfs
- Reumatologjie
- Riabilitazion
- Senologjie
- Urologjie

Coordenadôr Infermieristic: Lorena Venier
telefon: 0432 989614 **email:** lorena.venier@aas3.sanita.fvg.it

Riabilitazion teritoriâl

Il Servizi al ufrîs ativitâts di fisioterapia e logopedie in favôr di pazients a domicili, in R.S.A e in ambulatori dulà che al è presint. In colaborazion cul miedi di medicine gjenerâl e/o il specialist, il servizi al eroghe intervents riabilitatîfs in favôr di personis cun bisugn riabilitatîf che no puedin acedi ai servizis ambulatoriâi e aes personis che par chês l'intervent al è finalizât a miorâ lis capacitâts motoriis e funzionâls tai propriis ambients di vite, par favorî la autonomie e la partecipazion sociâl. Ativitâts: valutazion funzionâl e consulence ambientâl pal superament des barieris architetonichis; rieducazion motorie e funzionâl, individuazion dai ausilis pe mobilitât e lis ativitâts de vite cuotidiane, gjestion de furnidure, adestrament al ûs e verifiche de eficacie; propueste di ausilis pe comunicazion; consulence e istruzion ai familiârs e/o care givers pal mantigniment de massime autonomie possibile dal utent tal domicili.

Coordenadôr ff: Roberto Groppo

Sede di Glemone:

Riabilitazion Distretuâl

ORARIS DI RICEVIMENT:

di lunis a vinars des 08:00 aes 09:00 e il lunis e la joibe des 13:00 aes 13:30

CONTATS:

telefon: 0432 989375 **email:** srdge@as3.sanita.fvg.it

Sede di Glemone:

Riabilitazion Ambulatoriâl

ORARI:

di lunis a vinars des 08:00 aes 15:30

CONTATS:

telefon: 0432 989284 **email:** fisioge@as3.sanita.fvg.it

Sede CAP Tarvis:

Riabilitazion Ambulatoriâl e Distretuâl

ORARIS DI RICEVIMENT:

di lunis a vinars des 12:30 aes 13:30

CONTATS:

telefon: 0432 989833

Assistence infermieristiche teritoriâl

Il Servizi di Assistance domiciliâr al eroghe intervents a domicili su la fonde di un program terapeutico-assistenzial personalizât concuardât cul miedi di medisine gjenerâl, al è indreçât ai citadins no autosuficients in maniere parzial o total cun malatiis cronichis o post-acudis, curabilis a domicili, al assure lis prestazions infermieristichis (medicazions, terapiis infusivis, prelêfs, educazion sanitarie, e v.i.). Il servizi al assure ancje la cjapade in caric des personis tes fasis terminâls de vite in colaborazion cul servizi curis paliativis aziendâl.

Il citadin al acêt cu la schede di segnalazion de bande dal so miedi di famee, o de bande dal miedi ospedalîr in câs di dimission protete. Il Servizi al fâs ancje ativitât ambulatoriâl (prelêfs, medicazions, e v.i.) tai Centris teritoriâi di Salût e te Sede dal Distret e al assure lis ativitâts infermieristichis previodudis tai CAP e relativis ae medisine di iniziative e di monitorament des patologjiis cronichis.

I infermîrs dal servizi a assicurin la cuvierture tra lis 07:30 e lis 19:30 di ducj i dîs.

Coordenadore: Mireille Londero

telefon: 0432 989232 **email:** mireille.londero@as3.sanita.fvg.it

Sede dal Distret di Glemone

telefon: 0432 989397 **email:** pudage@as3.sanita.fvg.it

Centri Teritoriâl di Mueç

telefon: 0433 51341 **email:** sidmoggio@as3.sanita.fvg.it

Centri Teritoriâl di Pontêbe

telefon: 0428 90576 **email:** ds.pontebba@as3.sanita.fvg.it

CAP di Tarvis

telefon: 0432 989812 **email:** ds.pontebba@as3.sanita.fvg.it

Centri di Assistance Primarie (CAP)

Il Centri di Assistance Primarie (CAP) al nas dentri dal Poliambulatori di Tarvis.

Al è un riferiment pai citadins di dute la agregazion funzionâl teritoriâl (AFT) "Val Cjanâl e Cjanâl dal Fier" e a puedin acedi ancje personis presintis in maniere temporanie tal teritori (turiscj, citadins stranîrs, e v.i.).

Al CAP il citadin al cjate i miedis di medisine gjenerâl (MMG) in associazion che a garantissin la viertidure dai ambulatoris par 8 oris in dì (des 9:00 aes 13:00 e des 15:00 aes 19:00). Chest par permeti une miôr acessibilitât al servizi ancje par cui che al lavore o al studie.

Al CAP il citadin al cjate ancje i infermîrs che a lavorin dongje dai miedis di famee e si integrin cun ducj i professioniscj che a lavorin tal teritori, i assistents sociâi e i operadôrs dai servizis teritoriâi.

Il MMG e l'infermîr a lavorin insiemi in ambulatoris par pazients fragjii (pal plu anzians) cun patologjiis cronichis (diabete, insuficienze cardiache, BPCO), che a son invidâts a fâ controis periodics.

Tal CAP e à sede ancje la Continuitât assistenziâl (miedi di vuardie mediche) che e garantîs la sô presince tes oris noturnis, tes zornadis festivis e in chês prefestivis.

AREE MINÔRS FAMEE E DISABILITÂT

La Strutture Operative Complesse (SOC) Minôrs Famee Disabilitât e coordene:

1. cuatri Struturis Operativis Semplicis distretuâls omologhis:
 - o distret n.1 de Cjargne
 - o distret n.2 dal Glemonàs, Cjanâl dal Fier e Val Cjanâl
 - o distret n.3 di San Denêl
 - o distret n.4 di Codroip
2. la Equipe Adozions Aziendâl

La Strutture Operative Semplice e cjape dentri:

- ✓ Equipe multidisciplinâr teritoriâl
- ✓ Consultori familiâr

I doi servizis a operin, se al covente, in integrazion cul Servizi Sociâl dai Comuns, cu lis Istituzions Scolastichis, lis associazions e altris struturis socio sanitariis teritoriâls.

A la SOS si acêt daurman, inviâts dal miedi (pediatre di Libare Sielte, Miedi di Medisine Gjenerâl), su segnalazion dai operadôrs dal Servizi Sociâl dai Comuns o de Scuele, condividude cul interessât o cu la famee.

Il prin contat cul Servizi al pues avignî vie pal orari di viertidure al public o daspò di un apontament telefonic.

EQUIPE MULTIDISCIPLINÂR TERITORIÂL

L'E.M.T. al è un grup multi - professionâl di operadôrs sociosanitaris componût di: neuropsichiatri infanfil, psicolics, fisioterapistis, terapistis de neuro psicomotricitât, logopedistis e assistentis sociâls.

E garantîs la cjapade in caric te aree de disabilitât (≥ 18 agns) e de etât evolutive (di 0 a 18 agns) cun particolâr riuart ae prevenzion, diagnosi, cure e riabilitazion dai disturps dal svilup dal frut/frute e dal adolescent.

L'E.M.T. e assicure la cjapade in caric dal utent che al presente:

- ritart tes principâls tapis dal svilup infanfil;
- disturps specifics de funzion motorie,
- disturps specifics dal lengaç e de comunicazion;
- disturps neuropsicologjics e dai aprendiments scolastics
- disturps de sfere afetive-emozionâl e dal compuartament;
- limitazions dal funzionament cognitif, cun disabilitâts psichichis, sensoriâls, neuro motoris e dal compuartament adaff.

Dulà che al è necessari, il percors di cjapade in caric si integre cui intervents sociâi e specialistics dal teritori o di Struturis/Istituzions di secont e tierç nivel, publichis o increditadis.

Dirigjent psicolic referent pe E.M.T.: Antonella Candoni

telefon: 0432 989249 **email:** antonella.candoni@as3.sanita.fgv.it

SEDE:

Glemone (UD), Place Rodolone,

telefon: 0432 989222

Assistente Sociâl:

Martars des 13:00 aes 15:00 e Miercus des 8:30 aes 10:30

CONSULTORI FAMILIÂR

Rispîet ae gravidance, part e latoeç i operadôrs dal Consultori a partecipin ai incuintris di svicinament ae nassite, a informin su la tutele e il sostegn de maternitât e de paternitât, e a furnissin la assistance domiciliâr in latoeç, e ancje consulence e tratament psicologjic ae femine e ae cubie. Par ce che al rivuarde la famee, il consultori al assicure la consulence psicologjiche e sociâl, e ancje la eventuâl psicoterapie, par dificultâts personâls te maternitât e tai rapuarts familiârs, par problemis di relazion tra gjenitôrs e fis. Al furnîs une prime informazion/consulence sul dirit di famee in câs di separazion o divorzi e mediazion tai câs di contenziôs sul affidament dai fis. Al acompagne i percors dal affidament etero familiâr e parentâl. Cun di plui, al furnîs informazions e consulence par cui che al vûl fâ domandis di adozion. Al gjestîs situazions multiproblematichis (in particolâr tai câs di abûs e maltratement de femine e/o dal frut) in integrazion cul ambit e i servizis specialistics, al agjîs su mandât dal tribunâl tai câs di separazion cun affidament conflituâl e tai câs di tutele dal minôr. Pe fase de adolescence, i operadôrs a assicurin la consulence psicologjiche e la psicoterapie pai zovins e la consulence pai gjenitôrs di adolescents problematicis. A vegnin ancje furnidis consulencis psicologjichis e informazions ostetricis-gjinecologjichis indreçadis ai adolescents sui temis de salût, de sexualitât, de procreazion responsabile e de relazion cui coetanis e cui adults. Consulence in câs di interuzion de gravidance par adults e minôrs.

Dirigjent psicolic, referent pal Consultori Familiâr: Maria Virginia Fabbro
telefon: 0432 989256 **email:** mariavirginia.fabbro@aas3.sanita.fvg.it

SEDE:

Glemone (UD)
Place Rodolone,
telefon: 0432 989222
Assistente Sociâl
Martars des 13:00 aes 15:00 e Miercus des 8:30 aes 10:30

EQUIPE ADOZIONI AZIENDÂL

Al è un Servizi soredistretuâl che al furnìs informazion, formazion e valutazion des cubiis pe adozion nazionâl e internazionâl e sostegn de famee e dal minôr tal periodi post adofîf, comprendût l'acompagnament al inseriment scolastic.

SEDE:

Consultori Familiâr di San Denêl, Vie Carducci n.6

ORARIS:

joibe: des 9:00 aes 12:00

CONTATS:

telefon: 0432 949454 Assistente Sociâl

PRESIDI OSPEDALÎR PE SALÛT (POS)

Il Presidi Ospedalîr pe Salût di Glemone e je une strutture polivalente che e à dôs finalitâts:

- assicurâ la cjapade in caric dai problemis di salût de popolazion
- furnî cualchi percors di curis programadis di alte complessitât organizative a un bacin di utence provinciâl / regjonâl, daûr dai miôr standards internazionâi

Al constituìs une piastre tecnologjiche e articolade in:

- pont di prin intervent
- degjencis intermediis polifuzionâls
- piattaforme ambulatoriâl polispecialistiche
- day surgery
- servizis clinics e diagnostics

Il Presidi Ospedalîr pe Salût di Glemone al met al centri la cjapade in caric dal pazient e la continuitât assistenziâl par mieç dal potenziament dai percors di acès, di valutazion, di planificazion personalizade e di monitorament.

E je strutture dal teritori, duncje in rêt cu lis articolazions aziendâls e i diviers nivei di assistence; e je ancje presidi dentri di une Agregazion Funzionâl Teritoriâl, duncje element organizatîf impuartant de assistence primarie.

Cheste dimension polivalente e rint il POS un element cardinâl dai percors di cure integrâts e tal stes moment risorsis fundamentâls pe gjestion teritoriâl de cronicitât .

SEDE:

place Rodolone 1, Glemone

Responsabil: Giancarlo Miglio

email: giancarlo.miglio@as3.sanita.fvg.it

Coordinament projets riorganizatîfs POS: Elide Pascuttini

telefon: 0432 989644 **email:** elide.pascuttini@as3.sanita.fvg.it